

վարչական տույժ նշանակելու մասին

10 օգոստոսի 2021թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի պաշտոնակատար Վանիկ Հովհաննիսյանս, քննելով Թովմաս Վլադիսլավի Բաղդասարովի (անձնագիր՝ AP 0672253, ծնված՝ 02.01.1980թ., ք.Երևան, Նոր Նորք, Մուղովական 70/2, բն.102) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Թովմաս Վլադիսլավի Բաղդասարովը 19.02.2021 թվականի թիվ 05100033/190221/0004391 տարանցման հայտարարագրի համաձայն Բագրատաշենի մաքսային կետով ՀՀ տարածք է ներմուծել TOYOTA ALPHARD մակնիշի, ATH100017313 նույնականացման համարով տրանսպորտային միջոց: Նշված տրանսպորտային միջոցը 01.03.2021թ. հանձնվել է մաքսային մարմիններին ժամանակավոր պահպանման: Ժամանակավոր պահպանման ժամկետը մինչև 02.08.2021 թվականն էր: Նշված փոխադրամիջոցի վերաբերյալ Թովմաս Վլադիսլավի Բաղդասարովը սահմանված ժամկետում մաքսային մարմիններին մաքսային հայտարարագրի չի ներկայացրել:

Փաստի կապակցությամբ 06.07.2021 թվականին Թովմաս Վլադիսլավի Բաղդասարովի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 10.08.2021թ. ժամը 11:15-ին: Արձանագրության և ծանուցագրի օրինակը պատշաճ կարգով ուղարկվել է կողմին: «ՀԱՅՓՈՍ» ՓԲԸ կողմից ծանուցագիրը հետ է վերադարձվել: Սույն վարույթի շրջանակներում Թովմաս Վլադիսլավի Բաղդասարովի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 21.07.2021թ. թիվ /27.2/44890-2021 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 22.07.2021թ. թիվ 37966-2021

գրությամբ վերջինս հաշվառված է քաղաք Երևան, Նոր Նորք, Մուղովական 70/2, բն.102 հասցեում:

ՀՀ ՊԵԿ գլխավոր քարտուղարի 21.07.2021թ. թիվ 1/27.2/44896-2021 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 28.07.2021թ. թիվ 38818-2021 գրությամբ տեղեկացվել է, որ նշված քաղաքացու անվամբ որևէ անշարժ գույքի նկատմամբ գրանցում կատարված չէ:

ՀՀ ՊԵԿ Հյուսիսային մաքսատուն-վարչության պետի 28.07.2021թ. թիվ Ն/27.2/132882-2021 գրությամբ հարցում է կատարվել ՀՀ ՊԵԿ ներքին անվտանգության վարչություն Թովմաս Վլադիսլավի Բաղդասարովի սահմանատուների վերաբերյալ տեղեկատվություն ստանալու վերաբերյալ: ՀՀ ՊԵԿ Ներքին անվտանգության վարչության 29.07.2021թ. թիվ Ն/2-3/133573-2021 գրությամբ տրամադրված տեղեկությունների համաձայն Թովմաս Վլադիսլավի Բաղդասարովի սահմանահատման վերաբերյալ տեղեկությունը բացակայում է:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:


Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. Թովմաս Վլադիսլավի Բաղդասարովին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով:
2. Որոշման մասին հայտնել Թովմաս Վլադիսլավի Բաղդասարովին:
3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված փուզանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈՂ 28):

ՀՅՈՒՍԻՍԱՅԻՆ
ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏԻ ՊԱՇՏՈՆԱԿԱՏԱՐ



Վ.ՀՈՎՀԱՆՆԻՍՅԱՆ